

SEBAHAGIAN penduduk setempat menggunakan kemudahan yang ada di Pusat Internet 1Malaysia (PI1M) Petai Bubus, Kuala Terengganu, Terengganu.

Bukti kerajaan serius wujudkan PI1M

KUALA TERENGGANU 16 Mei - Kesungguhan kerajaan melalui Suruhanjaya Komunikasi Multimedia Malaysia (MCMC) mewujudkan Pusat Internet 1Malaysia (PI1M) jelas dapat dilihat melalui kemudahan dan perkhidmatan yang disediakan di pusat-pusat berkenaan.

Tinjauan *Utusan Malaysia* di PI1M Petai Bubus di sini baru-baru ini mendapati komputer-komputer di situ kesemuanya ‘berkuasa tinggi’, begitu juga dengan mesin fotostat, pengimbas dan pencetak yang masing-masing menggunakan teknologi semasa.

Dilengkapi perabut serba baharu dengan reka bentuk moden, pusat itu dibahagikan kepada ruangan menggunakan komputer dan sebuah bilik untuk kegunaan kelas atau latihan.

Menurut Pengurus PI1M Petai Bubus, Mohd. Amri Billah Mamat Ali, 31, sejak beroperasi pada 8 September 2015, pusat itu bukan sahaja didatangi penduduk setempat untuk menggunakan perkhidmatan komputer atau menghadiri latihan, tetapi juga menjadi lokasi untuk pelbagai program yang dianjurkan seperti pertandingan mewarna, sukaneka, *explorace* dan sebagainya.

Lulusan Ijazah Sarjana Muda Pengajian Perniagaan dari Universiti Putra Malaysia (UPM) itu berkata, dengan keluasan kira-kira 1,000 kaki persegi (93 meter persegi) serta reka bentuk dalaman yang menarik, pusat tersebut menjadi tarikan kepada penduduk setempat untuk melakukan kegiatan sosial serta aktiviti rukun tetangga.

“Inilah keistimewaan PI1M yang lengkap dengan pelbagai kemudahan terkini. Sejak adanya pusat ini, suasana di kampung ini semakin meriah dengan pelbagai aktiviti yang dianjurkan di sini.


“Sebagai penduduk tempatan,



AHMAD HAFIZI RAMLI



NUR AMRIENAA SYAZWANIE MOHD. AZMAN



Inilah keistimewaan PI1M yang lengkap dengan pelbagai kemudahan terkini. Sejaknya adanya pusat ini, suasana di kampung ini semakin meriah dengan pelbagai aktiviti yang dianjurkan di sini.”

MOHD. AMRI BILLAH MAMAT ALI
Pengurus Pusat Internet 1Malaysia

saya melihat sendiri perubahan masyarakat di sini yang semakin menerima budaya ICT, landskap sosial yang semakin baik serta ekonomi semakin berkembang,” katanya kepada *Utusan Malaysia*.

Menurut Mohd. Amri Billah, yuran keahlian PI1M adalah serendah RM5 dan caj yang dikenakan bagi menggunakan komputer untuk ahli hanya RM1 manakala bukan ahli RM2.

Seperti kebanyakan kafe siber, jelasnya, PI1M juga menyediakan perkhidmatan mencetak, fotostat, mengimbas dan *laminating* dengan harga yang sangat berpatutan.

“Di sini kita juga mengadakan

latihan ICT seperti asas komputer, pengenalan kepada perkakasan komputer, penggunaan *Microsoft Office*, asas internet dan sebagainya.

“Kita juga menjemput khas pembimbing-pembimbing dari luar untuk memberi latihan mengenai keusahawanan. Di samping menimba ilmu, mereka juga dapat menggunakan kemudahan yang ada di sini,” katanya.

Sementara itu, pengusaha kedai telekomunikasi, **Ahmad Hafizi Ramli**, 31, berkata, pendapatannya sewaktu memulakan perniagaan hanya kira-kira RM500 namun sejak kemunculan PI1M, dia kini mampu menjana pendapatan sehingga RM2,000.

Hal demikian, jelasnya, kerana dia banyak mengikuti kelas-kelas keusahawanan serta menggunakan kemudahan yang ada di PI1M untuk mempromosi kedainya.

“PI1M banyak membantu usahawan kecil seperti saya untuk memajukan diri. Saya bersyukur dengan kewujudan PI1M di kampung ini dan saya berharap lebih ramai usahawan dapat memanfaatkan kemudahan yang ada di PI1M,” katanya.

Dalam pada itu, kemunculan PI1M telah menjadikan **Nur Amrienaa Syazwanie Mohd. Azman**, 10, antara contoh kanak-kanak dari kampung itu yang celik ICT.

Pelajar tahun empat Sekolah Kebangsaan Kampung Tengah itu mahir menggunakan perisian *Microsoft Office* dan sering mengaplikasikannya untuk menyiapkan tugas sekolah.

“Saya sebelum ini memang langsung tidak pandai gunakan komputer. Namun melalui PI1M saya mula belajar dan kemudian berasa seronok mengikuti kelas-kelas yang ditawarkan di sini,” jelas Nur Amrienaa Syazwanie yang mula menjadi ahli PI1M pada November 2015.